

ილიას სახელმწიფო უნივერსიტეტი
მეცნიერებათა და ხელოვნების ფაკულტეტი
სადოქტორო პროგრამა: პოლიტიკის მეცნიერება
კურიკულუმი

ფაკულტეტის დასახელება	მეცნიერებათა და ხელოვნების ფაკულტეტი
პროგრამის დასახელება	პოლიტიკის მეცნიერება Political Science
მისანიჭებელი აკადემიური ხარისხი	პოლიტიკის მეცნიერების დოქტორი PhD in Political Science
სწავლების ენა	ქართული
პროგრამის ხანგრძლივობა (სემესტრი, კრედიტების რაოდენობა)	3-5 წელი (6-10 სემესტრი), 42 კრედიტი
პროგრამის შემუშავების თარიღი და განახლების საკითხი	პროგრამა შემუშავდა 2011 წელს და განახლდა 2021 წელს. პროგრამის განახლება შესაძლებელია ყოველი სასწავლო წლის დაწყებამდე, პროგრამისა და სასწავლო პროცესის ხარისხის გაუმჯობესების მიზნით.
პროგრამის ხელმძღვანელი	გია ნოდია, პროფესორი გიორგი გვალია, პროფესორი
პროგრამაზე დაშვების წინაპირობები	
- მაგისტრის ან მასთან გათანაბრებული აკადემიური ხარისხი; - კანდიდატის მიერ შესრულებული წინარე ნაშრომი/პუბლიკაცია ან/და მის მიერ სამეცნიერო - კვლევით პროექტებსა და ღონისძიებებში მონაწილეობის ან/და მუშაობის არანაკლებ 2 წლიანი გამოცდილების დამადასტურებელი დოკუმენტი; - წარმატებით ჩაბარებული შიდასაუნივერსიტეტო გამოცდა ინგლისურ ენაში, ინგლისური ენის მინიმუმ B2 დონეზე დადასტურების მიზნით ან ინგლისური ენის ცოდნის დამადასტურებელი საერთაშორისო/შეფასებისა და გამოცდების ეროვნული ცენტრის მიერ გაცემული შესაბამისი ვალიდური სერტიფიკატი (მინიმუმ B2 დონის შესაბამისი) ან ინგლისურენოვანი საბაკალავრო ან სამაგისტრო პროგრამის დასრულების დამადასტურებელი დიპლომი*; - სადოქტორო კვლევითი განაცხადი; - ზეპირი გამოცდა. *უცხოეთში მიღებული განათლების დამადასტურებელი დიპლომის აღიარება უნდა იყოს დადასტურებული სსიპ - განათლების ხარისხის განვითარების ეროვნული ცენტრის მიერ. დეტალური ინფორმაცია პროგრამაზე მიღების პირობების, ვადების, წარსადგენი დოკუმენტების და შეფასების კრიტერიუმების შესახებ მოცემულია დოკუმენტში „სადოქტორო პროგრამაზე მიღების პროცედურების და შეფასების სისტემა“. მიღების შესახებ ინფორმაცია განთავსდება ილიას სახელმწიფო უნივერსიტეტის ვებ-გვერდზე www.iliauni.edu.ge. ინფორმაცია დოქტორანტების ხელმძღვანელების კვლევითი ინტერესების შესახებ იხ. ქვემოთ, სადოქტორო პროგრამის დახასიათებაში/კონცეფციაში, ხოლო სადოქტორო კვლევის განხორციელებისთვის მხარდაჭერისა და წახალისების მექანიზმების შესახებ - სწავლისათვის აუცილებელ დამხმარე პირობებში/რესურსებში.	
სადოქტორო პროგრამის დახასიათება/კონცეფცია	
პოლიტიკის მეცნიერების სადოქტორო პროგრამის მიზანია დარგის ახალი თაობის მომზადება, რომელიც შეძლებს მაღალი ხარისხის კვლევების საფუძველზე თანამედროვე ცოდნის შექმნას და გადაცემას. ილიას სახელმწიფო უნივერსიტეტის მისიის შესაბამისად, პროგრამა ეფუძნება სამ ძირითად პრინციპს: 1. კვლევისა და სწავლების	

ერთიანობა: პროგრამის განხორციელებაში ჩართული აკადემიური პერსონალი თავად არის აქტიური მკვლევარი და საშუალებას აძლევს დოქტორანტებს, მონაწილეობა მიიღონ ახალი ცოდნის შექმნის პროცესში; 2. **ლიბერალური მიდგომა:** პროგრამა დოქტორანტებს საშუალებას აძლევს, გაეცნონ დარგის როგორც სამეცნიერო-ფილოსოფიურ ისე მეთოდოლოგიურ მრავალფეროვნებას და ეხმარება მათ, რომ დაიცვან ბალანსი ტრადიციასა და ნოვაციას, ასევე სპეციალიზაციასა და მულტიდისციპლინურობას შორის; 3. **გლობალურის და ლოკალურის შერწყმა:** პროგრამა დოქტორანტებს ხელს უწყობს, რომ გაეცნონ დარგის თანამედროვე და მოწინავე ტენდენციებს და დაუკავშირონ ის გლობალურ, რეგიონულ, თუ ლოკალურ პრობლემებს.

პოლიტიკის მეცნიერების სადოქტორო პროგრამა ფარავს დისციპლინის ოთხ ქვედარგს: პოლიტიკის ფილოსოფია (მეთოდოლოგიური საკითხების ჩათვლით), შედარებითი პოლიტიკა, საჯარო პოლიტიკა, საერთაშორისო ურთიერთობები. მის განხორციელებაში ჩართულია მრავალფეროვანი კვლევითი და საგანმანათლებლო ინტერესების მქონე აკადემიური პერსონალი, რომელსაც აქვს ხელშესახები საერთაშორისო გამოცდილება როგორც სწავლების, ასევე კვლევის მიმართულებით. პროგრამა ახდენს დოქტორანტების ინტეგრაციას აკადემიურ სივრცეში იდეების, მიღწეული შედეგების გაზიარების, აკადემიურ პერსონალთან მჭიდრო თანამშრომლობისა და პროფესიული განვითარების მრავალფეროვანი შესაძლებლობების შეთავაზების გზით. პროგრამა მაქსიმალურად არის ორიენტირებული დოქტორანტებისთვის კვლევის პროცესში ინდივიდუალური მიდგომების გამოყენების შესაძლებლობების შეთავაზებაზე.

სადოქტორო პროგრამა განსაკუთრებულ მნიშვნელობას ანიჭებს საერთაშორისო თანამშრომლობას. პროგრამის განმახორციელებელი აკადემიური პერსონალი თავად არის სხვადასხვა საერთაშორისო ქსელებისა თუ პროექტების მონაწილე და შესაბამისად, ხელს შეუწყობს დოქტორანტების კვლევითი საქმიანობის ინტერნაციონალიზაციას. პროგრამა შემუშავებულია საერთაშორისო პარტნიორების რჩევებისა და გამოცდილების გათვალისწინებით (არიზონას სახელმწიფო უნივერსიტეტი, ბერლინის თავისუფალი უნივერსიტეტი).

პროგრამის განვითარებას ხელს უწყობს საერთაშორისო ექსპერტთა საბჭო. კერძოდ, საბჭოს ფუნქციებია:

- პროგრამაში ჩართული დოქტორანტების ხელმძღვანელობა/თანახელმძღვანელობა;
- ერთობლივი კვლევითი პროექტების განვითარებაში დახმარება;
- კვლევითი უნარების განვითარება სხვადასხვა ვორკშოფებით და კურსებით;
- დოქტორანტების ხელშეწყობა სამეცნიერო ნაშრომების მომზადებისა და საერთაშორისო რეფერირებად ჟურნალებში გამოქვეყნების თვალსაზრისით;
- სადოქტორო კურიკულუმის განვითარებას საერთაშორისო სტანდარტების მიხედვით, ასევე, საჭიროების შემთხვევაში, გარე რეფერირება;
- პროგრამის განმახორციელებელი აკადემიური პერსონალისა და მასში ჩართული დოქტორანტების გლობალურ სამეცნიერო ქსელებში მონაწილეობის ხელშეწყობა.

ექსპერტთა საბჭოს წევრები არიან:

1. პროფესორი ტანია ბორზელი - ბერლინის თავისუფალი უნივერსიტეტი;
2. პროფესორი ტომას რისე - ბერლინის თავისუფალი უნივერსიტეტი;
3. პროფესორი ჯერზი მეკოუ - რეგენსბურგის უნივერსიტეტი;
4. ასისტენტ-პროფესორი დევიდ სიროკი - არიზონას სახელმწიფო უნივერსიტეტი;
5. ასოცირებული პროფესორი ჯული ჯორჯი - ნიუ-იორკის უნივერსიტეტი (CUNY);
6. პროფესორი დევიდ სმიტი - გლაზგოს უნივერსიტეტი;
7. პროფესორი ალექსანდერ თილე - გოტინგენის უნივერსიტეტი;
8. ასოცირებული პროფესორი ქრისტინა სმიტ-სიმონსენი - თრომსოს უნივერსიტეტი.

პროგრამა მჭიდროდ თანამშრომლობს ილიას სახელმწიფო უნივერსიტეტში არსებულ საერთაშორისო სადოქტორო სკოლასთან, იყენებს მის მიერ შექმნილ ყველა რესურსს, მათ შორის - დოქტორანტებს საშუალებას აძლევს, იყოლიონ უცხოელი ხელმძღვანელი/თანახელმძღვანელი და მოიპოვონ ორმაგი ხარისხი კოტუტელის ფორმატის ფარგლებში.

საგანმანათლებლო პროგრამის ფარგლებში დოქტორანტების ხელმძღვანელების კვლევის პროფილები იხილეთ ბმულზე: <https://shorturl.at/EpjR6>

პროგრამის მიზნები პოლიტიკის მეცნიერების სადოქტორო პროგრამის მიზანია მოამზადოს მკვლევრების ახალი თაობა, რომელიც შეძლებს პოლიტიკის ფილოსოფიის (მეთოდოლოგიური საკითხების ჩათვლით), შედარებითი პოლიტიკის, საჯარო პოლიტიკის, და/ან საერთაშორისო ურთიერთობების მიმართულებით მაღალი ხარისხის კვლევების განხორციელებას დარგში აკუმულირებული სამეცნიერო ცოდნის კრიტიკულად გააზრებისა და რელევანტური თეორიული და მეთოდოლოგიური მიდგომების გამოყენებით, საჭიროების შემთხვევაში, ინტერდისციპლინურ ჭრილში, რითაც წვლილს შეიტანს დარგის განვითარებასა და ახალი ცოდნის შექმნაში. პროგრამა ახდენს დოქტორანტის ინტეგრირებას აკადემიურ სივრცეში დოქტორანტების სწავლების პროცესში ჩართულობითა და საერთაშორისო დონეზე კვლევის შედეგების გაზიარებით.
სწავლის შედეგები კურსდამთავრებული: 1. ამჟღავნებს პოლიტიკის მეცნიერების ერთ-ერთი ქვედარგის (პოლიტიკის ფილოსოფიის, შედარებითი პოლიტიკის, საჯარო პოლიტიკის, საერთაშორისო ურთიერთობების) განვითარების ტენდენციების თანამედროვე დისკუსიებისა და მიდგომების შესახებ ცოდნას და ახდენს მათ კრიტიკულ შეფასებას; 2. კვლევას გეგმავს და ახორციელებს სფეროსთვის რელევანტური თანამედროვე კვლევის მეთოდებისა და მიდგომების გამოყენებით; 3. ახალი ცოდნის შექმნის მიზნით ორიგინალური კვლევის დამოუკიდებლად დაგეგმვისა და განხორციელებისას (საჭიროების შემთხვევაში, ინტერდისციპლინურ ჭრილში) იცავს კვლევის ეთიკის ნორმებს; 4. კურსდამთავრებულს შეუძლია ახალი ცოდნის გაზიარება ზეპირი და წერილობითი ფორმით, ადგილობრივ თუ საერთაშორისო დონეზე გამართულ თემატურ დისკუსიებში, მათ შორის, კვლევის შედეგებს წარმოადგენს საერთაშორისო რეფერირებადი პუბლიკაციის სახით; 5. აქვს სააუდიტორო სწავლების უნარი და გამოცდილება, რის ფარგლებშიც, იყენებს სწავლების თანამედროვე მეთოდებსა და მიდგომებს.
სწავლების მეთოდები • ლექცია; • სემინარი; • სუპერვიზია და რეფლექსია; • ელექტრონული სწავლების ელემენტები; • დისკუსია/დებატები; • ანალიზი და სინთეზი და სხვა. შენიშვნა: პროგრამის თითოეულ კომპონენტში გამოყენებული სწავლების მეთოდები მოცემულია შესაბამის სილაბუსებში/კონცეფციის დოკუმენტებში.
პროგრამის სტრუქტურა სწავლის განმავლობაში დოქტორანტმა უნდა დააგროვოს 42 კრედიტი (მათ შორის, სავალდებულო - 24 კრედიტი და არჩევითი - 18 კრედიტი), გამოაქვეყნოს 2 სტატია, რომელთაგან მინიმუმ ერთი, უნდა იყოს გამოქვეყნებული საერთაშორისო რეფერირებად ჟურნალში (სტატიებთან დაკავშირებული მოთხოვნები იხ. მეცნიერებათა და ხელოვნების ფაკულტეტის სადისერტაციო საბჭოსა და დოქტორანტურის დებულებაში) და დაიცვას სადოქტორო ნაშრომი. პროგრამის სტრუქტურა მოცემულია ცხრილის სახით. ტრანსფერული უნარების განვითარების ხელშეწყობის მიზნით, პროგრამა სთავაზობს დოქტორანტებს სხვადასხვა ტრენინგს, რომელიც ადმინისტრირებულია პიროვნული და პროფესიული განვითარების ცენტრის მიერ. საკუთარი ინტერესებიდან გამომდინარე, პროგრამაზე სწავლის პერიოდში, დოქტორანტებმა უნდა აირჩიონ მინიმუმ 2 ტრენინგი. დოქტორანტებს ტრენინგი გავლილად ჩაეთვლება, თუ ისინი დააკმაყოფილებენ არჩეული კომპონენტის ყველა მოთხოვნას.

კომპონენტები	სემესტრები										ECTS
	1	2	3	4	5	6	7	8	9	10	
სავალდებულო კურსები/კომპონენტები - 24 კრედიტი											
პოლიტიკის მეცნიერების კვლევის მეთოდები											6
Writing for Academic Publication*											6
ასისტირება***											12
სადოქტორო კოლოკვიუმები											--
პროსპექტუსი											-
სადოქტორო ნაშრომი****											
არჩევითი კომპონენტები - 18 კრედიტი											
საერთაშორისო ურთიერთობები: თანამედროვე დებატები											6
თანამედროვე დისკუსიები პოლიტიკურ მეცნიერებაში: პოლიტიკური წესრიგი, დემოკრატია, ლიბერალიზმი, ნაციონალიზმი											6
საერთაშორისო მოლაპარაკებებისა და მედიაციის ანალიზი და სწავლება											6
სამოქალაქო-სამხედრო ურთიერთობები და მისი პოსტსაბჭოთა ვარიაციები											6
კურიკულუმის განვითარება და სწავლებისა და შეფასების სტრატეგიები უმაღლეს განათლებაში											6
საჯარო პოლიტიკის ანალიზი											6
Turning points in recent Georgian Politics											6
Impact Evaluation and Causal Inference											6
სტატისტიკური მოდელირება											6
სადოქტორო საფეხურის სხვა რელევანტური კურსი											6
Caucasian Studies as Area Studies – (Re-) Assessing the Production of Scientific Knowledge and its Spatial Conditions											6
ტრანსფერული უნარების განმავითარებელი კომპონენტები											
კვლევითი კეთილსინდისიერება და ეთიკა											-
და/ან											
სწავლა-სწავლების და შეფასების თანამედროვე მეთოდები, სწავლებაში თანამედროვე მეთოდების გამოყენება											-
გრანტების მოძიება და ადმინისტრირება, პროექტების მართვა, პროექტების დაგეგმვა და განხორციელება											-
ტრენინგი: საპროექტო წინადადების მომზადება											-
სტუდენტთა აქტიურობის შეფასების პრინციპები და ინსტრუმენტები											-

აქტიური სწავლება ამობრუნებულ გაკვეთილზე											-
ორგანიზაციული მართვისა და ლიდერობის ტრენინგი											-
ტექნოლოგიების გამოყენება სასწავლო პროცესში											-
სწავლების ეფექტიანობის გაზრდა თანამედროვე სასწავლო ტექნოლოგიების გამოყენებით											-
სადოქტორო პროგრამისთვის რელევანტური სხვა ტრენინგ კურსი											-
											სულ 42

* *Writing for Academic Publication* დოქტორანტს დაცული უნდა ჰქონდეს პროსპექტუსი

**სწავლების ასისტორების წინაპირობაა „კურიკულუმის განვითარება და სწავლებისა და შეფასების სტრატეგიები უმაღლეს განათლებაში“ ან PPDC-ის ცენტრის სწავლებისა და შეფასების მეთოდების მინიმუმ ერთი ტრენინგ კურსი ; კვლევის ასისტორების წინაპირობაა პროსპექტუსის დაცვა;

***სადოქტორო ნაშრომის წარდგინება დაცვისთვის შესაძლებელია მხოლოდ სადოქტორო პროგრამით გათვალისწინებული სავალდებულო კომპონენტის, მათ შორის, კოლოკვიუმის შესრულებისა და პუბლიკაციის ან პუბლიკაციაზე თანხმობის წარდგენის შემდეგ.

სადოქტორო კოლოკვიუმების სერია იწყება სწავლების მეორე სემესტრიდან. მისი მიზანია, უზრუნველყოს დოქტორანტების კვლევითი პროცესის სისტემატიზაცია და შედეგზე ორიენტირებულობა, დოქტორანტისთვის მის პროგრესთან დაკავშირებით განმავითარებელი უკუკავშირის მიწოდების გზით. სადოქტორო კოლოკვიუმში ხელს უწყობს სტუდენტს, წარმართოს კვლევა კვლევის გეგმის მიხედვით, მოახდინოს პერიოდული რეფლექსია და ანგარიშგება კვლევის შედეგებთან დაკავშირებით და სხვა; მომიჯნავე დარგების დოქტორანტებთან ერთად ჩაერთოს სამეცნიერო დისკუსიაში; პროგრამაში ჩართული აკადემიური პერსონალისგან, მათ შორის, კვლევის ხელმძღვანელისგან მიიღოს კონსტრუქციული უკუკავშირი კვლევის გაუმჯობესების მიზნით. კოლოკვიუმის სესიებში, საჭიროების შემთხვევაში, ჩაერთვებიან ორგანიზაციები, რომლებიც დაინტერესებულნი არიან კვლევის შედეგებით (დეტალური ინფორმაცია კოლოკვიუმის შესახებ იხ. კოლოკვიუმის კონცეფციაში).

დოქტორანტი კვლევის შედეგებს წარადგენს წელიწადში მინიმუმ ერთხელ.

სადოქტორო პროგრამის პირველი წლის განმავლობაში დოქტორანტები ხელმძღვანელთან/თანახელმძღვანელთან ერთად მუშაობენ პროსპექტუსზე. პროსპექტუსი მუშავდება სადოქტორო პროგრამაზე მიღებისას წარდგენილი სადოქტორო კვლევითი განაცხადის საფუძველზე.

პროსპექტუსის მომზადების განმავლობაში დოქტორანტები:

- განსაზღვრავენ საკვლევ საკითხს/პრობლემას სადისერტაციო კვლევისთვის;
- აკეთებენ რელევანტური ლიტერატურის მიმოხილვას, რომელიც მოიცავს შერჩეული საკითხის/პრობლემის შესახებ კვლევებზე დაფუძნებული უახლესი ცოდნის, გამოყენებული კვლევის მეთოდოლოგიების, მიდგომების და კონცეფციების ანალიზს/სინთეზს და შეფასებას;
- ლიტერატურის მიმოხილვის საფუძველზე განსაზღვრავენ ახალი ცოდნის შექმნის საჭიროებას და აყალიბებენ კვლევის მიზანს, საკვლევ კითხვას/ებს (საჭიროების შემთხვევაში ჰიპოთეზას) და კვლევის მეთოდოლოგიას;
- ადგენენ ბიბლიოგრაფიას და კვლევის გეგმას.

დასრულებულ პროსპექტუსს დოქტორანტი იცავს სადოქტორო კოლოკვიუმის ფარგლებში დარგობრივი კომისიის წინაშე სწავლების პირველი წლის ბოლოს.

ასისტირება არის სადოქტორო პროგრამის ის კომპონენტი, რომელიც უზრუნველყოფს დოქტორანტის ჩართულობას სწავლებასა და კვლევასთან დაკავშირებულ აკადემიურ პროცესებში. პროგრამით გათვალისწინებულია სწავლებისა და კვლევის ასისტირება (იხ. ასისტორების კონცეფცია). სწავლების ასისტორების შემთხვევაში დოქტორანტი აკადემიური კურსის პროფესორს უწევს ასისტირებას, დამოუკიდებლად ახორციელებს აკადემიური კურსის კომპონენტს ან/და ატარებს სალექციო/სასემინარო კურსს ან უწევს ტუტორობას. კვლევის ასისტორების დროს

დოქტორანტს შეიძლება მიეცეს შესაძლებლობა, ჩაერთოს უნივერსიტეტში მიმდინარე კვლევით პროცესებში და ამ მიზნით განახორციელოს ისეთი აქტივობები, როგორც არის ლიტერატურის მოძიება, კვლევის ახალი მეთოდების შემუშავებაში მონაწილეობა, შედეგების შეგროვება და ანალიზი და ა.შ.

დისერტაციის დაცვამდე დოქტორანტს შესაბამის სფეროში გამოქვეყნებული (ან ჟურნალის რედაქციისგან მიღებული გამოსაქვეყნებლად) უნდა ჰქონდეს არა ნაკლებ **ორი სამეცნიერო სტატიისა**, მათ შორის მინიმუმ ერთი სტატია გამოქვეყნებული უნდა იყოს საერთაშორისო რეფერირებად თემატურ ჟურნალში/ჟურნალებში, რომლებიც აღიარებულ საერთაშორისო ნუსხებშია შესული (Clarivate Analytics (ყოფილი Thomson Reuters) Master Journal List, Scopus, Ulrich's Index, ERIH PLUS, EBSCOHost, Latindex Catalogue). სამეცნიერო პუბლიკაციაში დოქტორანტის აფილიაციაში მითითებული უნდა იყოს ილიას სახელმწიფო უნივერსიტეტის სახელი. სადოქტორო პროგრამით გათვალისწინებული პუბლიკაციისადმი მოთხოვნები იხ. მეცნიერებათა და ხელოვნების ფაკულტეტის სადისერტაციო საბჭოსა და დოქტორანტურის დებულებაში.

სადოქტორო კვლევა ხორციელდება აკადემიური და კვლევის კეთილსინდისიერების და ეთიკის ნორმების დაცვით. ამის გათვალისწინებით დოქტორანტმა უნდა გაიაროს პიროვნული და პროფესიული განვითარების ცენტრის მიერ შემოთავაზებული ტრენინგი „კვლევითი კეთილსინდისიერება და ეთიკა“.

სადოქტორო პროგრამა სრულდება **სადოქტორო ნაშრომის** წარდგენით და მისი საჯარო დაცვით. სადოქტორო ნაშრომის დაცვა ხდება ილიას სახელმწიფო უნივერსიტეტის მეცნიერებათა და ხელოვნების ფაკულტეტის საბჭოს მიერ დამტკიცებული სადისერტაციო საბჭოს წინაშე. სადოქტორო ნაშრომის შესახებ დეტალური ინფორმაცია მოცემულია სადოქტორო ნაშრომის კონცეფციის დოკუმენტში (იხ. სადოქტორო ნაშრომის კონცეფცია).

დასაქმების სფეროები

კურსდამთავრებულებს დასაქმება შეეძლებათ შესაბამისი პროფილის როგორც აკადემიურ, ასევე საჯარო და კერძო დაწესებულებებში:

- უმაღლესი საგანმანათლებლო დაწესებულებები;
- შესაბამისი პროფილის კვლევითი ინსტიტუტები და ცენტრები;
- სამთავრობო ორგანიზაციები;
- არასამთავრობო ორგანიზაციები;
- შესაბამისი პროფილის საერთაშორისო ორგანიზაციები.

შეფასების წესი

სასწავლო კომპონენტების შეფასება 100 ქულიანი სისტემით მიმდინარეობს. ქულები გადანაწილდება და ისაზღვრება ამგვარად:

- (A) ფრიადი - შეფასების 91-100 ქულა;
- (B) ძალიან კარგი - მაქსიმალური შეფასების 81-90 ქულა;
- (C) კარგი - მაქსიმალური შეფასების 71-80 ქულა;
- (D) დამაკმაყოფილებელი - მაქსიმალური შეფასების 61-70 ქულა;
- (E) საკმარისი - მაქსიმალური შეფასების 51-60 ქულა;
- (FX) ვერ ჩააბარა - მაქსიმალური შეფასების 41-50 ქულა, რაც ნიშნავს, რომ სტუდენტს ჩასაბარებლად მეტი მუშაობა სჭირდება და ეძლევა დამოუკიდებელი მუშაობით დამატებით გამოცდაზე ერთხელ გასვლის უფლება;
- (F) ჩაიჭრა - მაქსიმალური შეფასების 40 ქულა ან ნაკლები, რაც ნიშნავს, რომ სტუდენტის მიერ ჩატარებული სამუშაო არ არის საკმარისი და მას საგანი ახლიდან აქვს შესასწავლი.

სადოქტორო ნაშრომი ფასდება შემდეგი სისტემით:

- ა) ფრიადი (summa cum laude) – შესანიშნავი ნაშრომი;
- ბ) ძალიან კარგი (magna cum laude) – შედეგი, რომელიც წაყენებულ მოთხოვნებს ყოველმხრივ აღემატება;
- გ) კარგი (cum laude) – შედეგი, რომელიც წაყენებულ მოთხოვნებს აღემატება;
- დ) საშუალო (bene) – საშუალო დონის ნაშრომი, რომელიც წაყენებულ ძირითად მოთხოვნებს აკმაყოფილებს;
- ე) დამაკმაყოფილებელი (rite) – შედეგი, რომელიც, ხარვეზების მიუხედავად, წაყენებულ მოთხოვნებს მაინც აკმაყოფილებს;

ვ) არადამაკმაყოფილებელი (insufficient) – არადამაკმაყოფილებელი დონის ნაშრომი, რომელიც ვერ აკმაყოფილებს წაყენებულ მოთხოვნებს;

ზ) სრულიად არადამაკმაყოფილებელი (sub omni canone) – შედეგი, რომელიც წაყენებულ მოთხოვნებს სრულიად ვერ აკმაყოფილებს.

„ა“-„ე“ ქვეპუნქტებით გათვალისწინებული შეფასების მიღების შემთხვევაში დოქტორანტს ენიჭება დოქტორის აკადემიური ხარისხი.

„ვ“ ქვეპუნქტით გათვალისწინებული შეფასების მიღების შემთხვევაში დოქტორანტს ეძლევა ერთი წლის განმავლობაში გადამუშავებული სადოქტორო ნაშრომის წარდგენის უფლება.

„ზ“ ქვეპუნქტით გათვალისწინებული შეფასების მიღების შემთხვევაში დოქტორანტი კარგავს იმავე სადოქტორო ნაშრომის წარდგენის უფლებას.

სწავლისათვის აუცილებელი დამხმარე პირობები/რესურსები

- უნივერსიტეტის ბიბლიოთეკა და ელექტრონული რესურსები (მათ შორის სამეცნიერო ელექტრონული ბაზები - ScienceDirect, Scopus, PsycInfo, Heinonline, Thomson Reuters, ProQuest, EBSCO, Jstor, Project Muse, Cambridge Journals, DOAJ, ebrary, Oxford Journals და სხვა);
- პოლიტოლოგიის ინსტიტუტი;
- კავკასიის კვლევის საერთაშორისო სკოლა;
- უნივერსიტეტის სოციალური და კულტურის კვლევების ინსტიტუტი;
- სავლე წერეთლის ფილოსოფიის ინსტიტუტის კვლევითი ბაზები;
- მეხსიერების კვლევების კავკასიური ცენტრი;
- სააუდიტორიო/სამუშაო სივრცეები;
- უნივერსიტეტის მულტიმედია-ბიბლიოთეკა;
- Erasmus + გაცვლითი პროგრამები დოქტორანტებისთვის;
- არგუსი, elearning.iliauni.edu.ge-ის პლატფორმა, რომელშიც ინტეგრირებულია Turnitin-ის სისტემა;
- საერთაშორისო სადოქტორო სკოლა;
- კვლევების კოორდინაციის სამსახური;
- საერთაშორისო სამეცნიერო კონფერენციებში მონაწილეობისა და საერთაშორისო ჟურნალებში სამეცნიერო სტატიის გამოქვეყნების დაფინანსების შესაძლებლობა.

კომპონენტის დასახელება	წინაპირობა	ლექტორი	საკონტაქტო საათების განაწილება	კრედიტი	სემესტრი შემ/გაზ	
სავალდებულო კურსები/კომპონენტები - 24 კრედიტი						
პოლიტიკის მეცნიერების კვლევის მეთოდები	-	დავით აფრასიძე	30	6	X	X
ასისტირება	კურიკულუმის განვითარება და სწავლების სტრატეგიები უმაღლეს განათლებაში	ხელმძღვანელი/ები, მომიჯნავე დარგის/დისციპლინის პროფესორი, რომელიც ჩართულია სადოქტორო პროგრამაში	ინდ.	12	X	X
Writing for Academic Publication		მაია როგავა	30	6	X	X
პროსპექტუსი				-		X
პიროვნული და პროფესიული განვითარების ცენტრის მიერ ორგანიზებული მინიმუმ 2 ტრენინგ კურსი		ტრენინგ კურსის შესაბამისი ტუტორი		-	X	X
სადოქტორო კოლოკვიუმები		დოქტორანტის ხელმძღვანელი/ები		-	X	X
სადოქტორო ნაშრომი				-	X	X
არჩევითი კომპონენტები - 18 კრედიტი						
საერთაშორისო ურთიერთობები: თანამედროვე დებატები		გიორგი გვალია	30	6	X	X
თანამედროვე დისკუსიები პოლიტიკურ მეცნიერებაში: პოლიტიკური წესრიგი, დემოკრატია, ლიბერალიზმი, ნაციონალიზმი		გია ნოდია	30	6	X	X
საერთაშორისო მოლაპარაკებებისა და მედიაციის ანალიზი და სწავლება		ტარიელ სიხარულიძე	30	6	X	X
სამოქალაქო-სამხედრო ურთიერთობები და მისი პოსტსაბჭოთა ვარიაციები		დავით დარჩიაშვილი	30	6	X	X
საჯარო პოლიტიკის ანალიზი		არჩილ აბაშიძე	30	6	X	X
კურიკულუმის განვითარება და სწავლებისა და შეფასების სტრატეგიები უმაღლეს განათლებაში	-	სოფიკო ლოზჟანიძე	32	6	X	X
Turning points in recent Georgian History		ჰანს გუტბროდი	32	6	X	X

Impact Evaluation and Causal Inference		დასტინ გილბრეთი	28	6	X	X
Caucasian Studies as Area Studies – (Re-) Assessing the Production of Scientific Knowledge and its Spatial Conditions		ოლივერ რაისნერი	30	6	X	X
სტატისტიკური მოდელირება		მამუკა ნადარეშიძე	30	6	X	X
სადოქტორო საფეხურის სხვა რელევანტური კურსი		შესაბამისი კურსის ხელმძღვანელი	ინდ.	6	X	X

პოლიტიკის მეცნიერების სადოქტორო პროგრამაში ჩართული აკადემიური და მოწვეული პერსონალი			
	სახელი და გვარი	სტატუსი	ელექტრონული ფოსტა
1	გიორგი გვალაია	პროფესორი	giorgi_gvalia@iliauni.edu.ge
2	გია ნოდია	პროფესორი	ghian@iliauni.edu.ge
3	დავით აფრასიძე	პროფესორი	david_aprasidze@iliauni.edu.ge
4	დავით დარჩიაშვილი	პროფესორი	david_darchiashvili@iliauni.edu.ge
5	არჩილ აბაშიძე	ასოცირებული პროფესორი	archil_abashidze@iliauni.edu.ge
6	ტარიელ სიხარულიძე	ასოცირებული პროფესორი	ts@iliauni.edu.ge
7	ტიმოთი ბლაუველტი	პროფესორი	timothy.blauvelt@iliauni.edu.ge
8	სერგი კაპანაძე	პროფესორი	sergi.kapanadze@iliauni.edu.ge
9	იოჰანეს ბაქსი	პროფესორი	rvvoren@gip-global.org ; coldwarcenter@iliauni.edu.ge
10	ჰანს გუტბროდი	პროფესორი	hans-friedrich.gutbrod@iliauni.edu.ge
11	ბიძინა ლებანიძე	პროფესორი	bidzina.lebanidze@iliauni.edu.ge

12	ზურაბ ჭიაბერაშვილი	პროფესორი	zurab.tchiaberashvili@iliauni.edu.ge
13	გიორგი სანიკიძე	პროფესორი	giorgi.sanikidze@iliauni.edu.ge
14	დასტინ გილბრეთი	მოწვეული ლექტორი	dustingilbreath@gmail.com
15	მაია როგავა	პროფესორი	maia.rogava@iliauni.edu.ge
16	სოფიკო ლობჯანიძე	პროფესორი	sopiko_lobjanidze@iliauni.edu.ge
17	ოლივერ რაისნერი	პროფესორი	oliver.reisner@iliauni.edu.ge
18	მამუკა ნადარეიშვილი	პროფესორი	mamuka.nadareishvili@iliauni.edu.ge